



Senin, 23 Desember 2024
Ogen: Galati 6:9-10



Teman Si Erbahan Si Mehuli



Salah sada perbeben si khas i bas perpulungen Kristen si pemena eme litna perjengilen ras perubaten antar anggota perpulungen si Jahudi ras si la Jahudi, padahal radu ras pengikut Kristus; saling menjatuhkan, la mediate sada ras sidebanna janah kedungenna erbahansa maka ia kerina nggeluh i bas ancamen perpecahen i bas "kula ni Kristus" e. (Ntahsa kita pe lit si bage). Bayangkan saja, adi sada perpulungen ndatken perbeben si bagenda rupa, nyaman denga nge kita erkebaktin? Tentu lang. Emaka arah Kata Dibata si isehken Paulus wari enda banci nampati kita ntah ise pe gelah la terjebak ibas situasi si seri. Tetap setia erbahan si mehuli. Erbahan si mehuli labo nukah, terutama asum kita la iergai ntah pe ulihna labo mis teridah. Tapi kita idilo gelahh tetap setia erkiteken janji Tuhan e pasti. Ketutusenta erbahan si mehuli pasti rulih i bas waktuna.

Erbahan si mehuli e me bagin arah kegeluhen Kristen. Selaku pengikut Kristus, kita idilo guna ngusih keleng ate Tuhan. Perbahanen keleng ate ncerminken kinitekenta ras jadi kesaksin man doni enda.

Aminna pe keleng ateta universal, Pustaka ngingetkensa maka keluarga rohani e me prioritas. Benakenlah arah sideherna, kelengi jabunta, kelengi tetangganta, kelengi sangkep geluhta. Sabap adi si kitik saja pe mesera, si ndeher saja pe lanai mbera, la padah ernipi kita guna erbahan perubahen i bas kegeluhenta. I bas persadan kiniteken, kita idilo guna saling mendukung subuk secara rohani bagepe praktis.

Geluh i doni enda megati dem alu tantangan tapi erbahan si mehuli alu ketutusan e me investasi guna kegeluhen si rasa lalap. Tuhan ngergaken tep-tep perbahanen kekelengen si ilakoken kita.